

AVTALE VEDKOMANDE KOMMUNAL KAI I MOSTRAUMSVIKA

Mellom Modalen kommune og Øystein Senneseth, eigar av gbnr 74 /4,
er det inngått slik avtale for overtaking, opprusting og bruksrett til kai i Mostraumsvika.

Bakgrunn for avtalen:

I Mostraumsvika er det etablert ein gammal kommunal kai og ein kommunal vegstubb for dei 3-4 bruka i området. Kaien vart tidlegare nytta for rutebåt med transport av folk, varer og post. Det er svært få som brukarar kaien i dag, då fleire grunneigarar og hytteeigarar i Mostraumsvika har alternativ tilkomst med båt. Det er heller ikkje stor allmenn trafikk til staden.

Øystein Senneseth har overteke slektsgarden i Mostraumsvika. Kaien er lokalisert på hans eigedom og han er den grunneigar som nyttar kaien mest. Senneseth overtok i 2015 «Blien» etter avtale med Modalen kommune. Han er ellers oppteken av å ta vare på kulturhistore, reiskapar og bygningar på garden i Mostraumsvika.

I mars 2016 kontakta han Modalen kommune for å drøfte ei opprusting av denne kaien. Både kommunal kai og veg har i seinare år ikkje vore halde særleg vedlike, og kaien treng ei vesentleg vøle. Senneseth har tilbode seg å overta kaien på nærmare avtalte vilkår.

Partane legg følgjande vilkår til grunn for denne avtalen:

1. Modalen kommune overdreg den kommunale kaien i Mostraumsvika til Øystein Senneseth utan vederlag.
2. Modalen kommune yter eit eingongstilskot – stort kr 50.000 – til Øystein Senneseth for opprusting / vøling av kaien.
3. Øystein Senneseth tek på seg ansvar og kostnader med framtidig vedlikehald av kaien.
4. Etablerte bruksrettar til kaien for andre grunneigarar (i Mostraumsvika og i Mostraumen) skal ikkje verte forringa som følgje av denne avtalen.
5. Kaien skal framleis vere tilgjengeleg for allmenn tilkomst, som i dag, og ikkje merkast med ilandstiging forbode / privat kai.

Denne avtalen er underteikna i 2 – to- eksemplar, eit til kvar av partane.

Mo den xx.06.2017

Modalen kommune
ordførar

Øystein Senneseth
eigar av gbnr 74/4